

Mediaverklaring

SOS eis steeds verantwoordings by DBO oor matriekeksamen

2020/12/14

Die herskryf van die tweede Wiskunde en Fisiese Wetenskap-vraestel is Vrydag deur die hof tersyde gestel. Dit beteken nie dat die Departement van Basiese Onderwys (DBO) nou hierdie saak as afgehandel moet beskou nie.

Die Solidariteit Skoleondersteuningsentrum (SOS) eis steeds 'n dringende en volledige ondersoek na die uitlek van die onderskeie vraestelle en verantwoordings van die relevante rolspelers, naamlik die DBO en die oortreders wat die oorsprong was van die uitlek van die vraestelle.

Die SOS se hoof van Ontwikkeling, Melanie Buys, sê die geloofwaardigheid van Suid-Afrika se matriekeksamen is steeds die belangrikste aspek wat aangespreek moet word. "Tydens die hofverrigtinge het die DBO slegs 'n voorlopige ondersoekverslag aan die hof voorgehou en dit wil voorkom asof die DBO deur die herskryf van vraestelle 'n volledige ondersoek wou probeer sistap."

Gebreke in die stelsel moet uitgeskakel word sodat daar in die toekoms nie weer enige kans is vir 'n herhaling van dié fiasko nie. Die SOS wil voorts die voorstel op tafel plaas dat skole in die toekoms 'n keuse kan uitoefen oor watter eksamenliggaam hulle wil gebruik om hul eksamens te reguleer.

Solidariteit Skoleondersteuningsentrum (SOS) is gerig op die versterking van Afrikaanse onderwys. Die SOS se Wolkskool bied 'n volledige aanlyn kurrikulum vir leerders van Graad 1 - 12, en twaalf verskillende vakverenigings bied professionele ondersteuning aan onderwysers.

Vir alle medianavrae: